

儀禮經傳內編

儀禮經傳內編卷二

姜兆錫註疏參義

士昏禮

昏禮自王下達今亦僅存此篇按禮三十曰壯有室家語魯哀公嘗疑其已晚孔子對曰夫禮言其極不

是過也則冠以後三十以前固可有室而此士昏之禮蓋亦將為選士俊士造士之時舊註乃並目士為已任之上中下士則又昧三十曰壯有室與四十曰強而士之別而其病猶士冠之訓矣篇中所列諸儀六禮皆備乃其經禮而其禮亦父母在之時行之其後又列舅姑歿之禮記復列有故不親迎之禮亦自分為諸禮而其得以士婚統之者亦猶之士冠也。注曰婚以昏為期取陽往陰來之義故名昏也曰入三商為昏疏曰商是漏刻之名三光靈耀云曰入三刻為昏是也

昏禮下達納采用鴈

采七在反。此首序納采之儀也達通也納

用鴈也。注口將合婚姻先使媒氏下通其言女氏許之乃使人納采擇之禮詩云取妻如之何匪媒不得由媒交接設給介所以養廉恥也用鴈為擊者取其順陰陽往來也疏曰男父先遣媒通辭往來乃遣使者行納采之禮言下達者男為上女為下取陽唱

昏禮

卷二

一

昏禮

陰和之義也。禮有六五禮皆用鴈。納采問名納吉請期親迎是也。惟納徵不用鴈以其自有幣帛可執也。周禮大宗伯云以禽作六擊。卿執羔大夫執鴈士執雉。此昏禮無問尊卑皆用鴈者。鴈木落南翔冰泮北徂。夫為陽婦為陰亦取婦從夫之義也。通解曰下達之義蓋大夫執鴈士執雉而昏禮下達納采用鴈如大夫乘墨車上乘棧車而士昏親迎乘墨車也。注疏知乘墨車為攝盛而不知用鴈亦攝盛之意也。既許攝盛雖庶人亦不用匹而昏禮又擊不用死故不得不越雉而用鴈也。陸氏佃逆女自天子下達之說雖得之然不知其與用鴈通為一義則亦尚未盡也。愚按士冠士相見士喪士虞諸禮章首皆冠以士獨士昏禮章首不冠以士而曰皆禮下達則知此為昏之達禮當如陸氏及通解之義而注疏之失不待辯矣。主人筵于戶西西上右几主人女父也。筵者為神布筵也將以先祖之遺體許人布筵于廟而受其禮若神式憑之也。席西上右設几者神不統于人而席有首尾故陳有上下。天疏曰下文禮賓徹几改筵是為人設席故知此為神席也。受禮于廟廟者記云凡行事受諸廟廟也。按鄉射燕禮等設席皆東上是統于人今東上右設几以神尊不統于人取地道尊右之義也。公食記蒲筵萑席皆卷自末是席有首尾也。使者立端至。使去聲。注曰使者夫家之屬若羣吏也。立端士莫夕之服又服以事其廟故使者服之也。疏曰注云使

者夫家之屬若群吏者按士冠注贊者于中士下士差次爲之蓋亦當然也云玄端士莫夕之服又服以事其廟者此亦以凡冠禮皆于廟中行事故也禮記前注疏以玄端爲夕服擯者出請事入固已辨其誤矣使者一雖亦有據更恭之

告注曰擯者亦主人之有司佐禮者也請猶問也禮不必事雖知猶問之重慎也疏曰按士冠禮有司並是主人之屬及群吏佐主人行禮故注云主人如賓服迎于門外再拜賓不答拜揖入賓亦有司佐禮者也主人如賓服迎于門外再拜賓不答拜揖入謂

使也如賓服士冠禮所謂使者如主人服也注曰門外大門外也不答拜者奉使不敢當其盛禮也疏曰按士冠禮主人迎于大門外主人西面賓東面此及鄉飲酒鄉射皆不言面位者文不其耳當亦如士冠也大夫以下惟有兩門寢門之外爲大門廟在寢

門外之東下云至于廟門則此門外是大門外也奉使不敢當其盛禮故不答拜但辭卑無君臣之禮賓雖屬吏直言不答拜而已亦不言辭若諸侯使臣則言辭射禮攢迎入門賓辟不答拜公食大夫禮賓答拜稽首亦辟乃拜之君尊故也愚按士冠禮此下亦

當每曲揖不至于廟門揖入三揖至于階注曰入三揖者至內齋言者蓋省文將曲揖既曲北面揖當碑揖也疏曰入門自內齋向東賓主將相背故須揖既曲賓主各至堂塗北面相見亦須揖至碑碑在堂下三分庭之一在北面須

揖也士冠注云入門將右曲揖將北曲揖常碑揖與此注至內雷
 將曲揖既曲北面揖當碑揖文不同者二文相兼乃足也三者禮
 之大節尊卑同鄉飲酒鄉射聘禮公
 食大夫皆有此三揖但注有詳畧耳
 三讓主人以賓升西面賓升

西階當阿東面致命主人阼階上北面再拜授于楹間南面

注曰阿棟

也入堂深示親親也授于楹間為合好其遠近之節同也南面蓋
 並授也疏曰禮之通例賓主敵者賓主俱升若士冠與此文是也
 主尊賓卑者初至主人升一等賓乃升卒洗後乃俱升鄉飲酒鄉
 射是也聘禮公升二等賓始升亦如之注云亦欲君行一臣行二
 也惟親禮王使人勞侯氏使人不讓先升者奉王命尊故耳主人
 阼階上北面再拜不言當阿則如鄉飲酒主人當楹再拜也賓當
 阿則入堂深矣鄉飲酒聘禮賓皆當楹獨此當阿故云示親親也
 凡士廟五架棟北一架為後楹下有室戶中券為棟棟南一架為
 前楹鄉射記云序則物當棟堂則物當楹是也鄉大夫射于序序
 則有室故物當前楹士射于序序則無室故物當棟此廟棟在室
 以外賓得常棟是深入當之也楹間謂兩楹之間賓以鴈授主人
 于此者明和合親好令賓主遠近之節相若也凡賓主敵者授于
 楹間不敵者不于楹間聘禮賓觀大夫受幣于楹間南面注云受
 幣楹間敵也若公則襲受玉于中堂與東楹之間禮賓及賓私觀

皆當東楹則尊卑不敵也。今使者不敵而乃于楹間者，明爲合好也。云並授者以經云南面不辨賓主故也。賓降出主人降授老鴈。注曰：老，群吏之尊者也。疏曰：授鴈訖，賓降自西階出。羣吏之尊者，大夫家臣稱老喪服。公食大夫皆以貴臣爲室老。春秋傳執臧氏老論語爲趙魏老。禮記大夫室老行事皆然。士雖無君臣之名，云老亦是群吏中尊者也。

本記凡行事必用昏昕受諸禰廟。

行事用昕，謂男氏使向女家。納采問名納吉納徵，請期五

者皆用昕，卽詩所謂旭日始旦。若用昏則親迎時也。經但言筵于戶西，故記復指言禰廟。

宗子無父母命

之親皆沒已躬命之。

宗子者適長子也。命謂命使母命之者。春秋紀裂繻來迎女是也。躬猶親也。親命之

者，宋公使公孫壽來納幣是也。言宗子無父則有有父者，禮七十老而傳子代其父爲宗子，故其取也。父命之無則母命之。疏曰：喪服小記云：繼別爲宗，繼禰爲小宗，大宗小宗皆適妻所生長子也。命使謂納采已下五者之使。公羊傳云：裂繻紀大夫何以不稱使昏禮不稱主人，然則曷稱稱諸父兄師友。宋公使公孫壽來納幣，則其稱主人何？辭窮也。辭窮者無母也。禮有母

母當命諸父兄師友稱諸父兄師友以行宋公無母莫使命之
辭窮故自命之然則紀有母何以不稱母母不通也禮婦人無
外事但得命諸父兄師友以支子則稱其宗弟則稱其兄支子
行不得稱母使所以遠別也

昆弟弟則謂母弟也。疏曰稱其宗者謂命使者當稱宗子以命之大小宗皆然。辭無不腆不辱擊
不用死。腆善也賓不稱幣不善主人不謝來辱。昏辭曰吾子
疏曰死謂雉今禮用鴈故云不用死也。

有惠貺室某也某有先人之禮使某也請納采對曰某之子恚

愚又弗能教吾子命之某不敢辭致命曰敢納采恚失容反。昏辭擯者請

事而使者告之辭也吾子謂女父也貺賜也室猶妻也某婿名
某有之某婿父名某也之某使名也對者擯出納賓之辭某女
父名也吾子謂使者。疏曰敢納采乃使者升堂致命于主人
之辭常有主人對辭如納徵不言者文不具也問名賓在門外
致詞主人許亦無辭又此下納吉納徵請期等皆有門外賓與
擯者傳辭及各升堂致命各主人對辭或不言者皆文不具耳

右納采 一用鴈二筵几三擯告
四迎入五致授六降授

擯者出請又請者不必賓賓執鴈請問各主人許賓入授如初禮

問名者將歸卜其吉凶也。疏曰此一使兼行納采問名二事使還須上故因問名還卜之也云如初者擯請人告乃報賓賓得主人許乃入門升堂授鴈與納采禮同也問名者下

記問名辭云某既受命將加諸上敢請女為誰氏

本記問名主人受鴈還西面對賓受命乃降疏曰先于阼階上北面再拜進南面

受鴈于兩楹間還于阼階上對賓以女名也問名辭曰某既受命將加諸上敢請女

為誰氏注曰某使者名也誰氏者謙也不必其主人之女也疏曰納采則知女之姓矣今問為誰氏者謙不敢必其主

人之女或是所收養外人之女也蓋名有二類一是名字之名三月所命之名是也一是名號之名若以姓氏為名之類也問

名而云誰氏者婦人不以各行也愚按注疏此條殊失經義經明云問名而解為問姓且云謙不必其主人之女是何說也所謂不以名行者如帝妃修儀簡狄聖母徽在之屬是名而婦人

常不以名聞于外耳氏謂字也伯仲叔之類是也春秋所書如仲子孟姬叔姬季姬以字行者蓋不勝數矣未聞其不以字行

也且如不訓氏為字但訓為姓而謂不必其為主人之女即收

養為已女亦當氏主人之姓矣又豈有對曰吾子有命且以備

數而擇之某不敢辭註曰卒當告曰某氏不言者明為主人之

氏此主人之女舊知之故不對也愚按對云不敢辭則自將以女字書策授之而不待對矣注疏蓋以其說曲為之詞與

右問名章內各節皆在如初禮中

擯者出請賓告事畢入告出請醴賓注曰此醴亦當為禮禮賓者

已破為禮故云亦注曰禮辭亦一辭也疏曰士冠禮醴賓一辭也詳見士冠禮賓禮辭許注曰禮辭亦一辭也疏曰禮賓一辭而詐鄉行納采問名賓主之情已通

矣主人徹几改筵東上側尊饔醴于房中徹几改筵者鄉為神今為人也側尊無玄酒也

注曰亦有饗有籩豆如冠禮之設疏曰東上者統于主人也為神則西上為人則東上云有饗有籩豆者以下云贊者酌醴加柶薦脯醢約之云如冠禮之設者

冠禮尊在服北南上此如之也主人迎賓于廟門外揖讓如初升

主人北面再拜賓西階上北面答拜主人拂几授校拜送賓以几

辟北面設于坐左之西階上答拜古文枝為枝辟房益反。注曰

几足也辟遂適也疏曰揖讓如初升者如納采時三揖三讓也北

面再拜者拜賓至此堂也公食大夫禮燕禮鄉飲酒禮鄉射大射

禮凡云拜至並是拜賓始至也前已納采問名又拜至者昏禮有

相親之義聘禮享禮及饋賓不拜至者聘禮不取相親之義也拂

几者外拂之三也有司徹主人左手執几縮之以右袂推拂几三

注云外拂之是也几敵者外拂几卑者則內拂几聘禮宰夫內拂

几三奉兩端以進者不欲廢珍尊者也冠禮賓無几者冠禮比昏

為輕也鄉飲酒鄉射及燕禮賓輕故皆無几聘賓及公食大夫賓

重故皆有几凡授几之法卑者以兩手執几兩端尊者則以兩手

子几間執之授設皆然聘禮宰夫奉兩端以進有司徹尸進二手

受于手間又聘禮公東南鄉外拂几三卒振袂中攝之進西鄉賓

進訝受几于筵前以此言之公尊以兩手中執几則賓以兩手于

几兩端執之也再拜送謙也聘禮君子聘賓則一拜送鄭注云公

尊也几以安體故賓受訖然後答拜若受體則先拜乃受之矣賓

卑則以几辟故聘禮賓卑以辟有司徹不云以几辟者尊尸也觀

禮不云以几辟者尊主也凡几之法或受其足或受于手間皆橫

受之及其設几皆旋几縱執乃北面設于坐南為神則右之為人

則左之不坐設之者几輕故也知枝為几足者既夕記云綴足用

燕几杖在南御贊者酌醴加角柶面葉出于房昏禮主人禮賓與冠禮賓酌冠者畧

同此猶其贊者洗于房中側酌醴加柶覆之面葉也出易蓋東南面待主人迎受亦猶冠禮賓受于戶東矣主人受醴

面枋筵前西北面此猶其筵前北面加柶面枋也賓拜受醴復位主人阼階上拜

送復位者拜受訖復西階上北面也冠禮冠者拜受賓不贊者薦

脯醢贊者酌亦贊者薦所謂側酌矣互文也賓即筵坐左執觶祭脯醢以柶祭醴三

西階上北面坐啐醴建柶與坐奠觶遂拜主人答拜此條與冠者祭啐亦同但

彼冠者筵末坐啐此則西階上北面坐啐者冠者于賓不敵故在

席末賓于主敵故在西階也。疏曰云坐奠觶遂拜者因事曰遂

坐奠觶不復與遂拜也冠禮禮冠者醢冠者及此下禮婦不言坐

奠觶者即筵坐祭筵末坐啐降筵坐奠而拜皆與筵相倚不易位

此則即筵坐祭却往西階坐啐而其位易矣故言遂拜者明祭于

筵畔則于西階不于筵而坐奠而拜則亦遂于西階非徒降

筵而已也疏以為凡坐奠觶不言遂者皆文不具也失之矣賓即

筵奠于薦左降筵北面坐取脯主人辭賓降授人脯出主人送于

門外再拜薦左猶冠禮薦東也冠禮冠者本于筵末啐降筵拜故不言即筵此則賓已于西階啐拜故特言即筵矣又冠

者降筵北面坐取脯將以見母此則賓尊主人之賜而自取之將

歸執以反命故主人特辭其親微也人謂其從者也降授者授于

階下西面。疏曰奠于薦左不言西位下贊禮婦奠于薦東注則

云皆升席南面奠也南面奠者取席之正又祭酒皆南面因祭酒

之而奠之也冠禮禮子亦南面奠惟聘禮禮賓賓北面奠者公親

執束帛待賜故也云尊主人之賜將歸執以反命者下記云賓右

取脯左奉之乃歸執以反命是也知授于階下西

面者賓位在西故知西階下西面授之然後出也

本記醴辭曰子為事故至于某之室某有先人之禮請醴從者

對曰某既得將事矣敢辭為從並去聲。言從者謙不敢斥也將行也先人之禮敢

固以請某辭不得命敢不從也主人又請而賓從也固如故也

。祭醴始扱壹祭又扱再祭疏曰禮成于三故祭醴之時始扱一祭又扱則分為兩祭也

賓右取脯左奉之乃歸執以反命奉。上聲。反命。謂使者問名。反告于壻父也。納吉納徵請期皆然。疏曰先用右手取得脯乃用左手兼奉之以降授從者于西階下乃歸執以反命也。納采與問名同使親迎又無使

者故據此四者而言凡使者歸反命曰某既得將事矣敢以禮告主人曰

聞命矣告禮謂所執脯也。

右醴賓此章總承納采問名而言。

納吉用鴈如納采禮注曰歸于廟得吉復使使者往告昏姻于

不云如問名而云如納采者問名因納采行之賓不出大門故此

言納吉如納采也注知納吉往告者記納吉曰吾子有貺命某加

諸卜占曰吉使某也敢告是也愚按言如納采不言如問名者其

禮先納采次問名而因禮賓以成其納采之禮問名特附納采之

中間故納吉言如納采禮納徵言如納吉禮請期言如納徵禮而

問名第言如初禮而不得言如納采禮者以納采禮尚未畢也若

問名納采雖畢一禮則雖賓不出大門當言如問名禮矣

不記納吉辭曰吾子有貺命某加諸上占曰吉使某也敢告

也賜命謂許以女對曰某之子不教唯恐弗堪子有吉我與在

某不敢辭注曰與猶兼也疏曰夫婦一體夫既得吉婦吉可知故云我兼在吉中也

右納吉章內各節皆在如納采禮中至拜送而畢但無內問各禮耳下納徵諸期通相如者並放此

納徵玄纁束帛饒皮如納吉禮注曰徵成也使使者納幣以成昏禮也用玄纁者象陽陰備也束帛

十端也周禮媒氏曰凡嫁子娶妻入幣純帛無過五兩是也饒兩也皮鹿皮也執束帛以致命兩皮為庭實也疏曰納徵無賜者以

有束帛為贄故也孝經鉤命決云五禮用馬是也春秋莊公言如齊納幣不言納徵者彼以禮而言此以義而言徵成也納此則昏

禮成也周禮媒氏職凡嫁子娶妻入幣純帛無過五兩注云純作緇感人納幣用緇士大夫以玄纁諸侯加以大璋天子加以穀圭

彼據庶人用緇色無纁是陰此玄纁俱有故云象陽陰備也穀圭天子以聘女大璋諸侯以聘女周禮玉人雜記云納幣一束束

五兩兩五華蓋三玄二纁陰奇而陽偶也大夫無冠禮而有昏禮若幼壯試為大夫者自依士禮其五十爵命而改娶者當與士有

昏禮

也異

記本納徵執皮攝之內文兼執足左首隨入西上參分庭一在

南攝之涉反。注曰攝猶碎也兼執足者左手執前兩足右手

執後兩足也左首象生也曲禮執禽者左首是也隨入為門

中阨狹也西上中庭位併也疏曰按經直云納徵如納吉用雁

之禮不言執庭實之皮之儀故特記之內文者一手執兩足毛

在內也隨入西上者執皮二人相隨而入至庭北面乃以西為

上也匠人天子廟門容大楹七簡注云楹長三尺七簡比二丈

一尺此士廟門降殺甚小故云門中阨狹而皮又橫執故

二人相隨乃可入至中庭則稍寬故得並行北面西上也賓致

命釋外足見文主人受幣士受皮者自東出于後自左受遂坐
攝皮逆退適東壁見音現。士謂若中士下士不命者以主人
據足向上執之足適身者為外釋之則文見也云自左受遂攝
皮逆退者士二人受皮于庭自東方出于執皮之後至于西方
北面受之遂坐攝皮後者先逆退而向東行也此皮帛必可
賓堂上致命及主人堂上受幣之時其節如此也

制注曰皮帛儼皮束帛也疏曰必可制者雜記納幣一束束五

兩兩五納幣亦教婦以誠信之義也兩兩五納幣即納徵也八尺曰尋五尋凡四丈兩頭對卷為

匹匹本記納徵辭曰吾子有嘉命既室某也某有先人之禮儼

皮束帛使某也請納徵致命曰某敢納徵對曰吾子順先典既

某重禮某不敢辭敢不承命注曰典法也疏曰吾子有嘉命以

是升堂致命主人辭也吾子順先典下是門外向摺者辭也某敢納徵

右納徵

請期用鴈主人辭賓許告期如納徵禮請期者男家請吉期于女

陽唱陰和期日宜由夫家來也夫家先卜得吉日乃使使者往辭

即告之也。疏曰請期如納徵禮納徵如納吉禮納吉如納采禮按土納采之禮其中揖讓升降及禮賓送迎之節四禮皆相因通

如之也納徵訖婿父卜婚日得吉乃使往女家告期但男家統辭

使請女家若云期由女氏故云請期而女氏以期當由男家出故辭之而使告之記云使者曰某使某受命吾子不許某敢不告也

本記請期辭曰吾子有賜命某既申受命矣惟是三族之不虞

使某也請吉曰對曰某既前受命矣唯命是聽三族謂父昆弟已昆弟子昆弟

也虞度也謂此三族卒有死喪不能預度已及子皆當為服期則踰年矣故請欲及今之吉也雜記大功之末可以冠子嫁子

疏曰大功不廢成禮期親曰某命某聽命于吾子對曰某固則廢矣故舉合廢者而言也

唯命是聽某命之某齊父名也使者曰某使某受命吾子不許某敢不告

期曰某日對曰某敢不敬須某日謂吉日之甲乙須待也

右請期

期初昏陳三鼎于寢門外東方北而北上其實特豚合升去蹄舉

肺脊二祭肺二魚十有四腊一臠脾不升皆任設局鼎去上聲臠音純脾步

米反。注曰期即取妻之期也鼎三者豚魚腊也寢壻之室也北

面鄉內也持猶一也合升合左右脾升于鼎也去蹄者蹄甲不

用也舉肺及祭肺者氣之主也舉脊者體之正也食時則祭之飯

則舉之皆貴之也每皆二者夫婦各一也凡魚十五而鼎成爲十

四者欲其敵偶也腊兔腊也臠當作純純全也凡腊用全脾不升

者近竅賤也任熱也高以扛鼎兼以覆之也今文局作鉉疏曰自

此盡合登序大家迎婦豫陳牢饌之儀也凡陳鼎于門外東方北

面北上者禮之正也士虞禮陳三鼎于門外之右北面北上入設

于西階前東面北上獨不在東者既葬鬼事之也公食陳鼎七當

門南面西上不在東者賓是外人外統之也云寢壻之室也者命

士以上父子異宮自別有寢若不命之士父子同宮其中亦各有

門戶也云合左右脾升于鼎也者夫婦各一故左右脾俱升若祭

則俱升右也云肺爲氣之主者禮記明堂位有虞氏祭首夏后氏

祭心殷祭肝周祭肺鄭注云氣主盛也是也云脊爲體之正者一

身之上體總有二十一節前有肩膊膂之屬後有臠路之屬脊在

中央脊正脊臠脊橫脊凡三惟正脊爲體之正特性先舉肺脊後

食幹幣注云正脊體之貴先食之所以學食通氣也是也云凡魚

欲其敵偶者特少牢禮云魚十有五特性記亦云則尊卑同用

五此欲其敵偶夫婦各有七故去一也云腊為兔腊者少牢用麋腊士用兔腊曲禮兔曰明視是也云肫為全者凡牲體用一肫不得云全腊則左右體齊相配故得全名特牲少牢腊皆用全士喪大斂與士虞皆用左肫不全者喪禮畧也 設洗于阼

階東南饌于房中醢醬二豆菹醢四豆兼巾之黍稷四敦皆蓋敦

對。注曰醢醬者以醢和醬生人尚衰味也二豆夫婦各一四豆

夫婦各二兼巾之者六豆共巾也巾為禦塵蓋為尚溫周禮食齊

視春時是也疏曰知以醢和醬者若不和得醢者無醬得醬者無

醢和則夫妻皆有也云生人尚衰味者此與公食皆以醢和醬少

牢特牲則不言醢醬故也引周禮者大羹湑在饗大如字又音太

釋敦皆有蓋之義飯宜溫者春時也 湑音泣。注曰

湑肉汁也太古之羹無鹽菜也爨火上也周禮羹齊視夏時是也

今文湑皆作汁疏曰太古之羹無鹽菜者左傳臧哀伯云大羹不

致記却特牲云大羹不和是也三王以來更有餽羹致五味 尊于

猶存大羹者不忘古也引周禮者証大羹須熟故在饗也 尊于

室中北墉下有禁玄酒在西裕糝加勺皆南枋尊于房戶之東無

玄酒 室中即寢室也墉墻也禁亦以版懸也裕粗葛也糝勺總二

尊而言也皆冪西加勺而勺之柄皆南也又尊者夫婦酌于

室內尊其餘酌于外尊也無玄酒畧之也。疏曰云禁以篚在南
廢顛者士冠禮云側尊一甒醴此雖不言甒尊亦甒也。實四爵合盞
甒音謹。合盞破甒爲之四爵
兩甒凡六者爲夫婦各三爵也

本記腊必用鮮魚用鮒必殺全。鮒音附。注曰殺全者不餒敗
不剝傷也疏曰此並據同牢禮

也。父醮子命之辭曰往迎爾相承我宗事勗帥以敬先妣之

嗣若則有常。相去聲。相助也宗謂宗廟最勉也若猶女也勉
帥婦以敬先妣之嗣深戒之也詩云大妣嗣徽音

疏曰女父禮女用醴又在廟父醮子用酒又在寢不同者父
禮女是以先祖遺體適他族婦人外成故重之男子直取婦入
室而已故次之知醮子不在廟者若在廟則應筵于戶西以布
神位今不言則在寢也爲先妣之嗣者謂婦入室使代始祭也

子曰諾唯恐弗堪不敢忘命

右將親迎陳饋

主人爵弁纁裳緇袖從者畢玄端。袖以鼓反又音接從去聲下同
主人謂婿也壻爲婦主也

弁纁裳玄冕之次若大夫以上親迎則冕服也冕服迎者重之地
 袍緣也從者有司也畢皆也。注曰以緇緣纁裳象陽氣下施也
 婿至女家女父稱主人故婿稱婿今未至女家故仍據男家而云
 主人而親迎歸家亦還稱主人也周禮弁師注云一命之大夫冕
 而無旒士則變冕而為爵弁故云冕之次士自祭用玄端助祭于
 君用爵弁今親迎用助祭爵弁之服為攝盛則卿大夫自祭用朝
 服助祭用玄冕其親迎亦用玄冕以攝盛也 乘墨車從車二乘執
 男陽象女陰象陽氣下交于陰取交接之義

燭前馬婦車亦如之有褻至于門外車二乘從行者車也士乘大

夫之墨車有二乘皆攝盛也執燭前馬使從役持炬前照道也亦
 如之者車同等也但有褻為異耳褻車裳幃也周禮謂之容車有
 容則固有蓋矣門外婦家大門外也疏曰按周禮巾車云玉路以
 祭祀金路以封同姓象路以封異姓革路以封四衛木路以封蕃
 國孤乘夏篆卿乘夏縵大夫乘墨車士乘棧車庶人乘役車今士
 乘大夫車是為攝盛明矣大夫以上有貳車亦攝盛也經云婦車
 亦如之有褻者此婦乘夫家之車也鵲巢詩曰之子于歸百兩御
 之又曰之子于歸百兩將之御迎也將送也此則國君之夫人始
 嫁送之亦以車而自乘其車也春秋傳云齊高固及子叔姬來反
 馬也士昏禮無反馬而大夫有之則知大夫以上嫁女亦自以其

車也之也云祿周禮謂之容者凡婦車自士以上至孤卿皆與夫
同而有祿為異至后夫人皆乘翟車周禮巾車職掌王后之五路
曰重翟曰厭翟曰安車皆有容蓋又詩碩人翟裼以朝注諸侯夫
人始來乘翟裼之車以朝見于君盛之也皆是也巾車職注云容
謂婦車山東謂之衰幃或謂之童容衛詩云漸車帷裳是山東名
幃裳也車有容則有蓋者下容上蓋相配之物知是大門外者以
下文揖入

主人筵于戶西西上右几

此主人謂女父也婿在家為
主人至女父家則女父為主

乃至廟也
人殯為賓矣。注曰筵者為神布席也疏曰以
先祖之遺體許人將告神故先設席乃迎婿也
女次純衣纁禚立

于房中南面姆纁笄宵衣在其右女從者畢袵玄纁笄被纁黼在

其後謂如占反姆亡候反又音母類若迥反。次首飾也純衣纁

衣即所謂祿衣也禚亦緣也男服為弁服而緇袍婦服祿衣

而纁者皆盛昏禮為之喪大記云復衣不以禚明非常服也姆女

侍也纁以纁髮亦如士冠之纁廣充幅長六尺笄簪也宵衣即祿

衣黑也纁詳侍禮注姆在女右當詔以婦禮也女從者謂媵也

衿衿足也冠禮類禚也周禮白與黑謂之黼言被亦明非常也。

注曰次今反也周禮追師掌為副編次是也禚之言任以纁祿衣

象陰氣上任也宵讀如納詩曰素衣朱綃素衣朱襮爾雅云黼領

謂之褫卿大夫之妻刺繡以為領如今假領士妻始嫁施繡于領上攝盛耳姆亦立衣以綃為領因以為名也疏曰言衣不言褫者婦服衣不殊裳內司服注云婦德專一連衣裳不異其色是也云周禮追師掌為副編次者副之言覆以覆首也其遺象若今步繡矣編者列髮為之其象若今假紒次者次第髮長短為之所謂髮也即少牢主婦髮髻是也后夫人服三翟衣者服副外內命婦服鞠衣翟衣者服編服祿衣者服次今士服爵弁助祭之服以迎故其妻亦服祿衣助祭之服也云象陰氣上任者婦陰象陰氣上交于陽亦取交接之義姆者婦人年五十無子出而不復嫁能以婦道教人者也按家語婦有七出不順父母出淫出妬出無子出惡疾出多言出竊盜出無子出能以婦道教人者以為姆既教女因從女向夫家也云以綃為領因以為名者此綃衣亦是祿衣但用綃為領因各納衣知綃為領者詩云素衣朱綃又云素衣朱褙爾雅釋云繡領謂之褙褙既為領明朱綃亦領也又下文從者被頰繡據領明此亦據領也愚按破宵作綃而臆斷為姆領並無確據據唐風首章云素衣朱褙次章云素衣朱繡初無朱綃之文詩傳云褙領也諸侯之服繡繡領而丹朱純朱繡即朱褙也則二章乃互文也諸侯素衣而繡領丹純與婦祿衣何淺而乃破宵作綃更繡繡為綃以率合之乎且特牲禮注云宵本贈名此繪染之以黑疏云此字據形聲為綃從絲肖聲儀禮禮記皆作宵字故鄭云

其繪本名曰宵也。據此則婦皆服玄衣。始嫁故玄衣而繡禡姆以年老故但服玄衣而女從者少故玄衣而類黼也。經義本明注何應爲義而并自爲之矛盾乎。據爾雅云黼領謂之禡詩傳亦云禡領也。禡固是領而經止言類黼未見禡之爲領况被禡類在其後乃女從者之服而又謂士妻始嫁施禡于領上此又何說乎。兄弟畢袵玄注義已見士冠禮因謂均猶同也。兄弟皆同玄也。而此疏乃云從者之衣上下同玄是又婦服衣不殊裳之義也。則謂士冠禮之兄弟亦上下同玄可乎其率亦甚矣。學者並詳之。

人玄端迎于門外西面再拜賓東面答拜主人揖入賓執鴈從至于廟門揖入三揖至于階三讓主人升西面賓升北面奠鴈再拜

稽首降出婦從降自西階主人不降送賓謂婿也賓升奠鴈拜主人不答者明主爲授女耳

主人不降送禮不參也。疏曰賓升北面再拜者蓋升在房外當楹而拜也。隱元年紀履輸來逆女何休注云夏后氏逆于庭殷人逆于堂周人逆于戶後代漸文升迎于房外者親親之義也。按納采昨階上拜至問名納吉納徵請期皆拜此主爲授女故不答又凡行禮賓主各一人今婦既從婿婿御婦車授綏姆辭不受婦乘則主人不更降送故云禮不參也。

以几姆加景乃驅御者代婿乘其車先俟于門外始在家稱主人至女家稱賓今

始稱婿者婦從則稱婿也。注曰婿御者親而下之也。綏所引以升車者也。曲禮曰僕人之禮必授人綏姆辭不受謙也。乘以几尚

安舒也。景謂絮衣加之為行道禦塵也。驅行也。車輪行三周御者

乃代婿也。婿車先者導之也。郊特牲云男率女女從男夫婿剛柔

之義自此始也。是也。俟待也。門外婿家大門外也。疏曰乘以几者

謂登車時也。禮尸乘以几重其初昏與尸禮同也。詩云衣錦褰衣

裘錦裝裳鄭云裝禪也。錦之上加禪毅此庶人妻之嫁服而士妻

材衣纁禱亦用之。碩人詩是國君夫人亦衣錦裝衣則尊卑同也。

下本記賓至擯者請對曰吾子命某以茲初昏使某將請承命對

曰某固敬具以須。賓婿也命某之某婿父名將迎承奉也。使某來迎請奉命以迎之也。父醴女

而俟迎者母南面于房外。注曰父醴于房中南面蓋母薦焉重昏禮也。女奠于薦東立于位而俟

婿至父出母南面于房外示親授婿且當戒女也。疏曰舅姑共

饗婿姑薦脯醢故知父母醴女亦母薦脯醢也。按士冠禮醴子與醴子及此篇禮賓禮婦皆莫焉于薦東明此亦然。女出于母左父西面戒之必有正焉

若衣若笄母戒諸西階上不降

有正者托戒之使不忘也。疏曰戒諸西階上者母初止房西

女出房母行至西階上乃戒之也托戒于衣笄者以其恒在身而不忘也

父送女命之曰戒之敬之

夙夜毋違命

注曰夙早也命謂舅姑之教命疏曰父戒之無違舅命母戒之無違姑命注有姑字行文也愚按經

但言無違命注該言舅若姑之命自通

母施衿結帨曰勉之敬之夙夜無違宮事

注曰帨佩巾也疏曰宮事謂姑命婦之事也

庶母及門內施鞶申之以父母之命命

之曰敬恭聽宗爾父母之言夙夜無愆視諸衿鞶

及至也。注曰庶母謂父

妾也鞶鞶囊也男鞶革女鞶絲以盛帨中之屬申重宗尊愆過也衿鞶皆托戒使識之也視乃正字今文作示

督授

綏姆辭曰未教不足與為禮也

姆教人者也

婦乘以几從者二人坐

持几相對

注曰持几者重慎之也疏曰此几謂將上車而登者若王后則履石也夫人無文

右親迎

婦至主人揖婦以入及寢門揖入升自西階男已至家故又不稱

故又稱夫也升自西階道婦入也媵布席于奧夫入于室即席婦尊西南面媵御

沃盥交媵音孕御注作訝下並同。媵送也女家從者故名媵也

蓋近與耳明在西也婦席在其東云尊西者視夫席則在東視尊則西矣沃盥交者先設南北二洗今媵沃婿盥于南洗御沃婦盥

于北洗媵御交導夫婦始接所以養耻也御亦女使也凡交受交

其義尤明舊混謂御為婿從者非。疏曰夫云即席婦但云尊西

者婦時尙未設席婿既為主須設夫饌訖乃設婦席下文御布對

席婿揖婦即對筵是也凡賓客主在東賓贊者徹尊徹謂

者盥出除鼈舉鼎入陳于阼階南西面北上匕俎從設北而載執

而俟從設謂執七執俎者從鼎而入設也匕以別出牲體俎以載

食及此昏禮執匕執俎與舉鼎各別人者吉禮尙文也士喪禮舉

鼎右人以右手執匕左人以左手執俎舉鼎人兼執匕俎者喪禮

從畧也凡牲體別為肩臂膈脰胙脊骨等于鼎以次七而出之載者乃以次別載于俎也七者逆退復位于門

東北面西上執七者事畢贊者設醬于席前菹醢在其北俎入設

于豆東魚次腊特于俎北贊設黍于醬東稷在其東設湑于醬南

此設夫饌也豆東者菹東也俎北者魚俎北也云特者豚腊魚凡三俎菹東遞設豚魚二俎以魚次豚而腊俎則特設于其北也所以然者饌要方下文醬東遞設黍稷二敦此菹東遞設豚魚二俎而腊俎則並魚而特設于魚俎之北然後與醢東西相對而饌方矣。注曰豆東菹醢之東諸所設者饌要方也疏曰醬與菹醢俱在豆知豆東非醬東者下文醬東有黍稷故知在菹醢東也豆東兩俎醬東黍稷是饌要方也愚按注疏謂陳饌要方及豆東非醬東善矣但豆東當指菹東而概謂菹醢之東者此蓋以醬東陳黍稷一敦菹東陳豚魚二俎而醢東則亦特設腊俎與醢達對故概而言之與至其清東雖無所陳而以夫饌對婦饌對夫饌之清西與婦饌之腊俎醢豆相望亦為方婦饌之清東與夫饌之魚俎醢豆皆亦為方凡此以卻會南北按文為圖而瞭如矣註以俎三豆三敦二配合成方而大羹湑不與焉故在饌方之外也學者因精以推慈其可乎

設對醬于東菹醢在其

南北上設黍于腊北其西稷設清于醬北

此設婦饌也對醬謂設醬于對面也凡饌皆對

舉其首耳東謂夫饌之魚東也不言婦之席前而言夫之饌東者婦統于夫也夫饌魚次腊特于俎北若婦饌魚次腊特于俎南不言者省文也腊北當為俎北對陳其明舊釋殊混今正之注曰

婦饌設之當特俎疏曰背東面則醬在南為右婦西面則醬在北為右皆以右手取之為便故知設之當特俎東也

注曰上者謂醬南有菹有醢婿醢在菹北從南向北陳為南上婦醢在菹南從北向南陳為北上也愚按醬對夫饌之魚東方合饌要方

之義注謂設之當特俎殆誤也或以清不與敷之說推之乃可通

註疏之誤耳

御布對席贊啟會卻于敦南對敦于北

會古外反卻去逆反。御布對席者

前止設夫席今始布婦席也蓋亦近尊西矣敦蓋曰會啟開也卻

仰也謂仰于地也對敦婦敦也夫于南婦于北者背東面以南為

右婦西面以北為贊告具揖婦即對筵皆坐皆祭祭薦黍稷肺

注右亦各取便也

此贊者西面而向主人告饌具而婿揖婦使即席也薦菹醢也疏曰

知西面告饌具者主人東面故西面告也凡禮單言薦者皆指饌

且而言也祭不言卷

贊爾黍授肺脊皆食以清醬皆祭舉食舉也

下食不言稷互文也

下食不言稷互文也

爾移使邇以便食也。皆食通謂食黍稷肺脊也。以用也。舉謂肺脊也。皆祭舉食舉者明皆祭乃食之也。注曰皆食食黍也。以用也。謂用口啜滫用指啣醬也。疏曰按玉藻食坐盡前則坐者臨席前畔不得移于席上。此昏禮從特牲祭祀之禮移置席上非食坐比也。按特牲少牢祭舉食舉乃飯此先食黍乃祭舉食舉者彼大夫祭尸十一飯士祭九飯禮備故先食舉以導食氣此士昏三飯禮畧不須導食氣故先爾黍稷後授肺也。士虞亦先授舉肺脊後乃爾黍稷。按食肺脊乃所以食黍用醬乃食肺脊以食黍滫亦以食黍啜之耳。注謂皆食為食黍始未可通。卽三飯卒食贊洗爵酌酌疏所發先後之節亦宜融其意則得矣。

主人主人拜受贊戶內北面答拜酌婦亦如之皆祭飯上聲。卒已也。同牢示

親不主為食故三飯而成禮也。酌之言瀆也。安也以酒漱潔其口且滴安其所食也。疏曰少牢祭尸禮十一飯特牲禮九飯此同牢之禮示親而已。三飯成禮畧煩也。酌婦亦如之者如其拜也。酌主人婿拜當東面若酌婦則婦拜當南面少牢賽皆答拜注云在東面席者東面拜在西面席者皆南面拜是也。贊以肝從皆振祭下文云贊酌于戶外尊此夫婦蓋酌內尊也。齊肝皆實于菹豆贊才計反。注曰肝炙肝也以肝安之也。疏曰按特牲少牢獻尸以肝從戶噴之加于菹豆其

主人與祝亦以肝從。但加于俎不加于豆者。下于尸也。士虞獻尸。尸亦以肝加于俎者。以喪不志于味也。此云實于菹豆。不云加于俎者。昏禮與祭尸。卒爵皆拜。贊答拜。凡以上皆坐。皆祭食皆振祭。同異于喪祭也。

而言也。注曰。凡女拜尚右手。士冠篇見母。此篇見舅姑。皆俠拜也。父爵再酌如初。無從三酌用盃。

亦如之。亦如之者。贊洗爵酌于戶外。尊入戶西北面。奠爵拜。皆答皆無從也。

拜坐祭卒爵拜。皆答拜。與此贊洗酌自酢也。言皆者。亦夫婦皆答之也。疏曰。贊酌訖。乃酌外。樽自酢者。

畧賤也。主人出。婦復位。復者。復尊西南面之位也。疏曰。主人出。不云處所。按下文。主人說服于房。則此時出至東房也。婦不宜出。

故復舊位而立。乃徹于房中。如設于室。尊盃。徹謂徹而設之也。徹室。徹設于房中。

為腰御餽也。徹尊不設。有外尊矣。主人說服于房。腰受婦說服于室。御受姆授巾。

說脫。同今文作稅。夫服腰受婦服御受者。與交沃盥。同亦交接有漸之義也。巾所以自潔清也。御衽于奧。腰衽。

良席在東。皆有枕。北止。社臥席也。此與亦謂其西也。良席在東矣。婦人稱夫曰良。御布。婦腰。腰布。良席。亦交。

接以漸也。止。古文作趾。足也。疏曰。按曲禮。請席何鄉。請衽何趾。注云。坐席問鄉。臥席問趾。因于陰陽也。此衽是臥席。故稱趾也。前布同牢之席。夫在西。婦在東。今乃東西。身處者前。示陰陽。又會有漸。今取陽往就陰也。愚按。問何止。明不皆北也。皆北者。昏禮也。

主人入親說婦之纓。說脫同。入者從房還入室也。曲禮婦人十

疏曰。女子纓有二。內則云。男女未冠笄者。總角。衿纓皆佩容。臭注云。容。臭。香物也。以纓佩之。為迫尊者也。此是幼時纓也。又云。婦事舅姑。衿纓。蔡履注云。衿。猶結也。婦人有纓。燭出。燭出者。禮畢將息。示繁屬也。此即許嫁之纓。今所脫者也。

媵。主人之餘。御。餽。婦。餘。贊。酌。外。尊。酌。之。外尊。房戶外之東尊也。互相餽者。亦陰陽交接

之媵侍于戶外。呼則聞。媵侍者。恐有所徵求也。不使御侍者。供承夫婦。以媵為主也。

本記婦入寢門。贊者徹尊。羶酌。玄酒。三屬于尊。棄餘水于堂下。

階間加勺。屬音屬。注曰。屬注也。玄酒。況水。貴新也。昏禮又貴新。故事至乃取之。三注于尊中也。疏曰。于外器中酌。

取此。況水。三注于玄酒尊中。三注者。禮成于三也。愚按。禮注。階間酌。玄酒者。謂取水和玄酒。非謂玄酒為水。郊特牲云。明水。況

齊費新也。凡洗新之也。云明水洗齊費新也者。謂五齊之屬。以明水洗之而取新也。又云凡洗新之也者。如醖酒。洗于清泔。獻洗于盞酒之屬。皆取新也。然則醬謂玄酒。卽水者。蓋緣未明酌元酒三字而誤與。

右正行昏禮

夙興婦沐浴纚笄宵衣以俟見

見音現。夙早也。昏之明晨也。興起也。俟待也。注曰待見于舅姑。

寢門之外也。內則云。由命士以上。父子異宮。疏曰。纚笄宵衣。卽特牲主婦宵衣也。不著純衣。纁神者。彼嫁時之盛服。今已成昏。故退從此服也。惟命士以上。父子異宮。乃在舅姑寢門之外。俟昏。故退見若不命之士。父子同宮。雖俟見。不得言舅姑寢門外也。質明贊見婦于舅姑。席于阼。舅卽席。席于房外南面。姑卽席。質正也。注曰房外謂房

戶外之西也。疏曰。知房外是房戶外之西者。以舅在阼。當房戶之東。若姑亦在房戶之東。而南面。向之不便。又下記云。父醴女而俟。迎者。母南面于戶外。女出于母左。母戒于西階上。婦執笄。聚栗自則是母在房戶外之西南面。故得女出于左也。婦執笄聚栗自

門入。升自西階。進拜奠于席。舅坐撫之。興答拜。婦還又拜。笄音煩。筭竹。

器也。門舅姑寢門也。注曰：筭竹器而衣者，其形蓋如今之筭筭。簋矣。進拜者，進東面，乃拜也。奠之者，舅尊，不敢投也。還又拜者，于先拜處拜也。凡婦人與丈夫為禮，則俠拜。况舅姑乎。疏曰：見舅用棗栗，見姑以服修者，按春秋莊二十四年八月，夫人姜氏入，大夫宗婦覲，用幣。公羊傳云：見用幣，非禮也。禮婦人見舅以棗栗為贄，見姑以服修為贄。見夫人至尊，兼而用之可也。按雜記云：婦見舅，姑兄弟姊妹皆立于堂下，西面北上，是見已。注云：婦見主于尊者，兄弟以下在位，是為已見，不復特見也。又云：見諸父，各就其寢。注云：旁尊也，亦為見時不來也。今此不言者，文畧也。知竹器有衣者，以字從竹，故知竹器。又記云：筭緇被纁裏，加于橋。是筭有衣也。如今之筭筭，故知竹器。又記云：筭緇被纁裏，加于橋。是筭有衣也。云舅尊不敢授者，舅直撫之而已。始則親舉以興，若親授之，然也。降階受筭，服修升進，扞面拜，奠于席，始坐舉以興拜，授人。反。丁。坐。舉猶坐撫也。答婦拜，不言俠拜者，文也。注曰：人有司也。始投有司，節之。舅則率徹之也。疏曰：知舅則使率徹者，記云：舅答拜率徹是也。愚按：始有司而舅率者，率重于有司也。

記本筭緇被纁裏加于橋舅答拜率徹筭

注曰：被衣也。筭有衣者，婦見舅始以飾為

敬也橋以殿。雜記婦見舅姑兄弟姊妹皆立于堂。亦西面。

北上。是見已。見音現。皆立于堂下西面者舅席于阼而西向。

見諸父各就其寢。注曰諸父旁尊也。疏曰諸父謂夫之伯叔婦于明日各往其寢而見也。

右婦見

贊醴婦席于戶闕間。仰尊。無醴于房中。注曰禮婦者以其婦道新成親之也。戶闕間謂室戶

西闕東之位也。疏曰凡賓客位于戶闕間是以禮于禮婦禮賓皆于此尊之也。婦疑立于席西贊者酌醴

加柶而枋出房席前北面婦東面拜受贊西階上北面拜送婦又

拜。疑魚乙反。疑正立自定之貌。疏曰云疑立者禮未至故疑拜然自定而立以待事也。若行禮之間而立則但云立也。云而枋

者贊親投枋而枋也。若冠禮則贊酌醴投資自而葉賓受醴授于乃而枋也。薦脯醢婦升席左執解右

祭脯醢以柶祭醴三降席東面坐啐醴建柶興拜贊答拜婦又拜

奠于薦東

士冠禮冠者于賓則筵末啐醴此婦于舅姑則又降筵

啐醴彌諫也若此篇納采賓于主人則西階上之位啐醴矣奠于薦東升席奠之也。疏曰上冠禮禮于禮賓皆云卽筵奠于薦東降筵北面坐取脯明此奠時亦升席南面奠乃降北面

取脯出授人也北面坐取脯降出授人于門外。注曰親徹脯降出授人榮

曰下饗婦之俎不親徹此親徹自出門授人故云榮得禮也

本記婦席薦候于房

注曰謂醴婦饗婦之席薦也疏曰醴婦時唯席與薦其饗婦并有俎入設于席前今

據醴婦而言也經醴婦但言席于戶闈間不言薦處故記之

右禮婦

舅姑入于室婦盥饋特豚合升側載無魚腊無稷並南上其他如

取女禮

取去聲。饋者婦道既成或以孝養也側載者右畔載之舅俎左畔載之姑俎異尊卑也並南上者舅姑共席于與

其饋各以南爲上也其他謂醬酒菹醢也女謂婦也如取婦同率之禮也其他乃如之者明白側載以下南上以上則異也彼有魚

胎有稷此無魚腊無稷彼男東面女西面別席醬醢菹夫南上婦
北上今舅姑共席東面俎豆等皆南上是異也載脾故云側載用
人尙右故右脾載之舅俎左
脾載之姑俎以異尊卑也
婦贊成祭卒食一醕無從贊成祭者
。疏曰謂投之又
處置合于豆間也

右婦饋

席于北墻下婦徹設席前如初西上

北墻室中
北墻下也

婦餽舅辭易醬婦

餽姑之候御贊祭豆黍肺舉肺脊乃食卒姑醕之婦拜受姑拜送

坐祭卒爵姑受奠之

婦餽者即席將餽也辭猶命也辭易醬者嫌
相衰也婦餽姑者繼于姑且明別也舉肺脊

乃食者食肺脊乃食黍也奠者尊于篚也不俛拜者皆婦人故也
卒爵不拜餽禮畧也。疏曰婦徹設于席前如初西上者明將餽

也舅辭易醬不言姑者舅尊也西上亦以右爲上也御贊祭豆黍
肺者贊婦祭之也注知奠于篚者上云如取女禮取女禮有篚也

婦徹于房中媵御餽姑醕之雖無媵媵先于是與始飯之錯

注曰
古者

嫁女于士大夫必娣姪從之謂之媵姪兄之子娣女弟也媵先之
媵謂姪也娣尊姪卑若無娣姪媵雖卑猶先姪媵于御者之也始
飯謂舅始也錯者媵餼舅餘御餼始餘也疏曰媵有二莊十九年
公子結媵陳人之婦于鄆公羊傳曰媵者何諸侯娶一國則二國
往媵之以姪娣從諸侯夫人自有姪娣并二媵各有姪娣一娶凡
九女是媵與姪娣別也若大夫士無二媵即以姪娣為媵鄭云古
者嫁女必姪娣從謂之媵是據大夫士言也雖無娣媵猶先姪媵
以客之對御是夫之御者居後而言也舅始始飯媵御餼舅始之
飯媵應餼始御應餼舅而今媵餼舅餘御餼始餘是交錯之義猶媵御沃盥交之屬也

右餼饋

舅姑其饗婦以一獻之禮舅洗于南洗姑洗于北洗因見而醴致其情也因饋

而饗成其禮也情亦禮也禮于茲而成矣其一獻者舅姑其行禮也注曰南洗在庭北洗在北堂設兩洗者獻酢酬各以潔清為敬也一獻者舅獻姑薦也疏曰此饋之日舅始于寢堂饗之也昏義婦以特豚饋厥明舅始其饗婦者彼注云卿大夫以上饗與饋其曰士昏禮不言厥明饗與饋向日也說洗于北為婦人不下堂也愚按昏禮無厥明二字恐是省文昏義是解昏禮謂昏禮重也

而昏義兼言卿大夫猶可謂昏禮言士而昏義則不言士專言卿大夫理似不足况其日婦見舅姑舅姑醴婦又婦饋舅姑又婦餞

騰御餞此日又再行饗禮如奠酬舅姑先降自西階婦降自阼階

何得行乎注疏宜更商之注曰奠酬者明正禮成不復舉也凡酬酒皆奠于左燕則更使人舉之耳婦降自阼者授之室使爲主以代已昏義所謂者代是也

也疏曰凡奠酬不舉燕則更使人舉之者通鄉飲鄉射燕禮言之也按曲禮于事父母升降不由阼階阼階是尊者升降之處今舅

始降西階婦降作借是授婦以室將使位之也歸婦俎於婦氏人注曰言俎則饗禮有物矣婦氏人丈夫送婦者

也使有司歸以婦俎當以反命于女之父母明其得禮也按雜記大饗卷三牲之俎歸于賓館所以歸之者緣饗時几設而不倚爵

盈而不飲殺乾而不食故以歸之此饗婦亦不食故亦歸之也經雖不言牲但俎以盛牲體言俎則有牲矣婦氏人即上婦所授脯

者故上注亦引此婦氏人互証也

本記婦牀薦餼于房義見前婦洗在北堂直室東隅館在東北面

盥注曰洗在北堂所謂北洗也房中半以北曰北堂洗南北直室東隅東西直房戶與隅尚疏曰房與室相連房無北壁故

名北堂也。房中半以南謂之南堂，半以北謂之北堂。燕禮大射皆云羞膳者升自北階，立于房中，不言入房，明無北壁亦無戶，是以得設洗面室東隅也。愚按東西以南北注訓得之，房無北壁，疏臆詞經無明文。饗婦姑薦焉，舅姑婦舅獻爵，婦酢舅，舅得自薦。注曰：更何者？男女不相因也。疏曰：姑薦脯醢，婦酢舅，舅得自薦。白薦者，謂舅姑饗婦之時，舅獻姑薦，今婦酢舅，則不敢辭洗，舅降則辟于房，不敢拜洗。辟，避也。婦白薦之也。不敢辭洗，舅降則辟于房，不敢拜洗。注曰：不敢辭洗者，不敢與尊者為禮也。疏曰：此當在婦酢舅之上。今在此者，欲見酬酒洗時亦不辭故也。凡婦人相饗無降。注曰：無降者，以北洗篋在上也。疏曰：婦人有事不下堂，舅姑饗婦及姑饗婦人，送者皆然。庶婦則使人醮之，婦不饋。注曰：庶婦庶子之婦也。酒不酬酢，曰醮，使人醮以酒，卑之。其儀則同也。不饋者，供養紉于適也。疏曰：其儀則同者，謂適婦醮于客位，東面拜受，贊者北面拜送，有脯醢，今庶婦醮于房外，亦東面拜受，醮者亦北面拜送，亦有脯醢，今庶婦醮也。庶婦但不饋耳，明亦以棗栗脍修以舅姑也。

右饗婦

男饗送者以一獻之禮酬以束錦注曰送者女家有司也禮歸室

疏曰此一獻與饗婦一獻同而禮則異彼兼有姑此依常饗賓客

法也注知有司送之者按左傳凡公女嫁于敵國姊妹則上卿送

之公子則下卿送之于大國雖公子亦上卿送之于天子諸卿皆

行于小國則大夫送之以此而言大夫亦遣臣送之士無臣故有

司送之也姑饗婦人送者酬以束錦注曰婦人送者隸子弟之妻妾也

疏曰按左傳士與無臣有隸子弟

故知是隸子弟之妻妾也按聘禮凡饗食必速賓則舅姑饗送者

亦應速之又按下文贈丈夫送者以束錦注云就賓館也則婦人

送者亦有館亦當速于館但婦人

迎客不出門當別遣人速之耳若異邦則贈丈夫送者以束錦

注曰贈送也凡贈賄之禮就賓館疏曰按莊二十七年莒慶來逆

叔姬公羊傳云大夫越境逆女非禮也鄭注喪服亦云古者大夫

不外娶今言異邦得外娶者大夫尊不得外交士與不嫌容外娶

也恩按首送者亦謂丈夫而不言丈夫者其下別言婦人送者則

丈夫不待言矣此繼婦人送者故特別以丈夫送者也本國

則但饗時酬以束錦而已異邦則又加贈以束錦以明厚也

右饗送者

婦人三月然後祭行。注曰：入夫之室既三月乃助祭也。

右祭行

此記文通解升為經據疏稱此為舅沒姑老之禮則應在下章後但祭主婦外凡宗婦亦與祭故得注此

若舅姑既沒則婦人三月乃奠菜

注曰：沒終也。奠菜者以筐祭菜也。蓋用董疏曰：必三月者三月

一時天氣變婦道可以成也。此言舅姑既沒若舅沒姑存則當厥明見姑三月廟見舅若舅存姑沒婦人先夫沒無廟可見或更有繼姑自如常禮也。按曾子問云：三月而廟見稱來婦也。擇曰：而祭于廟成婦之義也。鄭云：謂舅姑沒奠菜猶舅姑存時盥饋也。據此則言奠菜即祭祠也。奠菜亦稱祭者若學記皮弁祭菜之類也。云奠菜以筐者下云婦執筭菜筐即筭也。知菜蓋用董者舅姑存時自用棗栗服修以見今奠菜于廟據內則有董蓋芬楡供養之文是以疑用董也。愚按姑先舅沒雖無廟可見亦當見于姑之主廟也。三月廟見又云擇日者蓋擇第

南面

廟考妣之廟曾子問擇日而祭于廟是也。凡即所謂同几也。別席異面象生時也。北方者即北期下也。疏曰：按周禮司

几筵每敦一几注云周禮在殯皆異几體實不同也。祭于廟則同几精氣合也。又祭統云設同几同几即當同席今祭于廟中而

席者生時見舅姑別席異面。祝盟婦盥于門外。疏曰洗在門外祝今亦象生時不與常祭同也。

生見舅姑在外沐浴。婦執笄菜祝帥婦以入祝告稱婦之姓曰某乃入舅姑之寢也。

氏來婦敢奠嘉菜于皇舅某子婦拜扱地坐奠菜于几東席上還

又拜如初。扱初洽反。帥道也。入室也。某氏者如齊姜氏魯姬氏之類來婦首來為婦也。嘉美也。皇君也。扱地者扱手

至地猶男子稽首也。疏曰云祝帥婦以入者象特牲陰厭祝先主人入室也云某子者言若張子李子也云扱手至地猶男子稽

首者婦人肅拜為正今云扱地則首不至手乃婦人之重拜猶男子之稽首亦拜中之重也按周禮大祝辨九拜一曰稽首拜謂頭

至地稽時而起也二曰頓首拜謂頭叩地即起也三曰空首拜謂頭至手不至地所謂拜手也四曰吉拜拜而後稽顙謂齊衰不杖

以下拜也五曰凶拜稽顙而後拜謂三年喪拜也六曰振動拜謂戰栗變動而拜也七曰奇拜謂一拜也八曰褒拜褒讀為報謂再

拜也九曰肅拜其拜但俯下手如今時揖也九拜之中稽首頓首空首肅拜四者是正拜稽首臣拜君也頓首敵相拜也左傳齊侯

稽首魯君答以頓首齊責魯答曰非天子寡君無所稽首是也空首君答臣也肅拜婦人拜也男子于軍亦肅拜左傳晉郤至云敢

肅使者是也餘五者皆依于正拜如吉拜先頓首後稽顙當附頓首凶拜先稽顙後頓首當附稽首若此婦人拔地亦猶男子之稽首也婦降堂取筭菜入祝曰某氏來婦敢告于皇始某氏奠菜于席

如初禮注曰降堂降至階也室事交乎戶今降堂者敬也于舅言敢奠菜于始但言敢告舅尊于始也疏曰室事交乎戶堂

事交乎階禮器文今室事婦出祝闔牖戶闔閉也凡廟無事則乃降堂交于階故言敬也婦出祝闔牖戶閉之鬼神尚幽閉也

右舅姑沒奠菜

老醴婦于房中南面如舅姑醴婦之禮舅姑沒因于廟見時禮之也疏曰舅姑生時婦見

訖舅姑即使贊醴婦于寢之戶闔間今舅姑沒廟見使老醴婦于廟之房中象舅姑生時因見禮之也如其禮者其禮則同但使老

及處所則別也

右舅姑沒醴婦

贊饗婦送者丈夫婦人如舅姑饗禮舅姑存舅姑自饗送之今舅姑沒故婿饗送如舅姑饗禮

并贈錦等也斯禮婦送者將歸之時
齊行之久矣因廟醴婦類言之耳

右舅姑沒饗送者

若不親迎則婦入三月然後暫見曰某以得為外昏姻請覲主人

對曰某以得為外昏姻之數某之子未得濯漑於祭祀是以未敢

見今吾子辱請吾子之就宮某將走見見音現。注曰女氏稱昏

緇曰辱疏曰必三月者亦如三月婦廟見也自此至敢不從並是

務在婦家大門外與擯者請對之辭昏禮男曰昏女曰姻者義取

婿皆時往娶女則因之而來及其覲則女氏稱昏男氏稱姻者義

取送女者昏時往男家因得見之故也濯漑者前祭之久濯漑祭

器也曰辱者白物置緇色中是汙辱其白猶今寶至已門亦是屈

辱之也就宮者使婿還家也以女未廟見祭祀故辭來相見也

對曰某以非它故不足以辱命請終賜見對曰某得以為昏姻之

故不敢固辭敢不從

注曰非它故彌親之辭命謂將走見之
也不言外亦彌親之辭古文曰外昏姻
主人

出門左西面婿入門東面奠摯再拜出

注曰出門出內門入門入大門也主人不出大門者

婿異于賓客見于賤也奠摯者婿有子道不敢授也摯雉也疏曰婿見于寢者聘禮凡見賓客及親迎皆于廟婿見外舅姑非賓非親迎故在適寢也凡執摯相見皆親授受摯者以摯出請受婿禮此獨奠之者象父子之道質故不親授也

辭許受摯入主人再拜受婿再拜送出

注曰請受摯者欲使以賓禮相見也疏曰按聘禮賓

執摯入門東從臣禮辭之乃從賓禮西進此云受摯入蓋亦如聘禮受摯乃更西入也又云出者已見女父訖擬出更與主婦相見也

見主婦主婦闔扉立于其內婿立于門外東南主婦一拜婿答

再拜主婦又拜婿出

注曰主婦主人之婦也更見主婦者兄弟之道宜相親也扉左扉也闔之者婦人無外事

也主婦先一拜者婦人俠拜也疏曰爾雅母與妻之黨為兄弟知闔左扉者士喪禮云闔東扉主婦立于其內也愚按啟右者見也

闔左者主人請醴及揖讓入醴以一獻之禮主婦薦奠酬無幣注曰

及與也無幣異于賓客也疏曰揖讓而入謂入寢門升婿出主人

堂以醴之也冠昏燕射禮酬賓皆有幣故云異于賓客

送再拜

右婿見婦父母

此亦記文通解升為經

義禮記郊特牲天地合而后萬物興焉夫昏禮萬世之始也

曰疏

天氣下降地氣上騰天地合則物生夫婦合則胤生

取于異姓所以附遠厚別也

取發同別兵列

反。疏曰附依也厚重也取異姓而不取同姓者所以依疏遠之類重分別之義而不欲相喪也

辭必誠辭無

不腆告之以直信信事人也信婦德也壹與之齊終身不改故

夫死不嫁也

誠信也腆猶善也謂幣勿令浮濫而使者傳辭亦無事謙稱不善以示誠信而去詐飾也直猶正也

事人泛言之婦德切言之也人非信不立而婦德尤在正信也齊謂共牢而食同尊卑也終身不改信之大也齊或為醮與之

醮則與之齊矣

男子親迎男先于女剛柔之義也天先乎地君先乎臣

其義一也

迎魚敬反先悉薦執摯以相見敬章別也男女有別反。先謂倡導也

執摯以相見敬章別也男女有別

然後父子親，父子親，然後義生，義生，然後禮作，禮作，然後萬物

安，無別無義，禽獸之道也。擊謂所奠，鴈也。章明也。壻，親也。迎先，奠

婦之有別而不妄交，親也。無別言，聚，是之壻親御授綬，親之也。

親之也者，親之也，敬而親之，先王之所以得天下也。上二親字，以事言下

一親字，以心言，謂已親之者，所以使之親已也。出乎大門而先

男帥女，女從男，夫婦之義由此始也。婦人從人者也。幼從父兄

嫁從夫，夫死從子，夫也者，夫也者，以知帥人者也。知，智同。先者

居車前也。從，謂順也。夫之言丈夫也。玄冕齊戒，鬼神陰陽也將以為社稷主，為先

祖後而可以不致敬乎？玄冕，祭服也。方氏曰：以交神明之道而

乎外，女正位乎內，是為社稷主，祖正體于上，嗣繼體乎下，是為

先祖後也。爵弁，是士服之上，士昏以上服，則天子以下皆用也。

服玄冕蓋
約言之
共牢而食同尊卑也故婦人無爵從夫之爵坐以夫

之齒牢特牲也從爵如夫為命夫則妻為命婦也器用陶匏尚禮然也三王作牢用

陶匏尚禮謂太古之禮也言三王始作共牢之禮而用太古陶匏之禮器以重夫婦之始也厥明婦盥饋

舅姑卒食婦餽餘私之也私之猶言親之也食餘曰餽謂舅姑已食以餘饋與婦而致私恩也

始降自西階婦降自阼階投之室也室猶家也明將來當為室之主也昏禮不

用樂幽陰之義也樂陽氣也幽猶深也陽動而散陰凝而聚用樂則志意動散非陰靜之義也故

昏禮謂序猶代也。程子曰昏禮不用樂之陰禮昏禮不賀人之序也幽陰之義此說非是但古人重此

大禮嚴肅其事不用樂也愚按曾子問云三日不舉樂思嗣親也是也

昏義昏禮者將合二姓之好上以事宗廟而下以繼後世也故

君子重之是以昏禮納采問名納吉納徵請期皆主人筵几于

廟而拜迎于門外入揖讓而升聽命于廟所以敬慎重正昏禮

也聽命謂主人聽使者所傳婿家之命也父親醮子而命之迎男先于女也子承

命以迎主人筵几于廟而拜迎于門外婿執鴈入揖讓升堂再

拜奠鴈蓋親受之于父母也降出御婦車而婿授綬御輪三周

先俟于門外婦至婿揖婦以入共牢而食合巹而醕所以合體

同尊卑以親之也合體謂合巹同尊卑謂共牢敬慎重正而后親之禮之大

體而所以成男女之別而立夫婦之義也男女有別而后夫婦

有義夫婦有義而后父子有親父子有親而后君臣有正故曰

昏禮者禮之本也昏姻得所而身修家齊國治之道備矣是以為諸禮之本也此以上遞明六禮之義而總

結之以起下文婦順之義也夙興婦沐浴以俟見質明贊見婦于舅姑執筭

昏禮

棗栗殿修以見贊醴婦婦祭脯醢祭醴成婦禮也

婦禮以儀節言也

姑入室婦以特豚饋明婦順也

婦順以情意言也。疏曰士昏特豚饋于舅姑若大夫以上則

非特豚而已

厥明舅姑共饗婦以一獻之禮奠酬舅姑先降自西階

婦降自作階以著代也

著明也。作階是舅所升降婦降自作階明其代舅姑也以統緒言也

成婦

禮明婦順又申之以著代所以重責婦順焉也婦順者順于舅

姑和于室人而后當于夫以成絲麻布帛之事以審守委積蓋

藏是故婦順備而后內和理內和理而后家可長久也故聖王

重之

當下浪反積子賜反。當猶稱也不順舅姑不和室人雖有善者猶不為稱夫也成事以勤言審守以謹言。疏曰

室人通指在室之人謂壻之姊妹及娣姒之屬備者順和以當而成審也此以上承上文逸明親迎以後重責婦順之義而申

結之也分言則為婦禮婦順著代三者統言則皆婦順也

是以古者婦人先嫁三月祖廟未

毀教于公宮。祖廟既毀，教于宗室。教以婦德。婦言婦容。婦功。教

成祭之。牲用魚。芼之以蘋藻。所以成婦順也。先悉薦反。芼莫報反。注曰：祖廟女

所出之祖廟也。宗室宗子之家也。謂王侯同族者之女。必就尊者之宮教之。而餘各教于宗子之家也。婦德貞順也。婦言辭令

也。婦容婉婉也。婦功絲麻也。祭者祭其所出之祖也。魚藻皆水物。陰類。魚為俎。實蘋藻為羹采。祭無牲牢。告事耳。若祖廟已毀

則為壇而告也。疏曰：祭之者三月。教成祭祖廟而告之也。宗室有大宗。有小宗。與大宗近者于大宗教之。與大宗遠者于小宗

教之。此皆謂君之同姓。若君之異姓。亦有大宗。小宗。其教亦如之。通解曰：按疏言教于小宗之家。亦與前義異。此又承上文

特明親迎以前教成婦順之義而終結之也。

曾子問：孔子曰：嫁女之家，三夜不息燭。思相離也。取婦之家，三

日不舉樂。思嗣親也。離力智反。注曰：三月而廟見稱來婦也。

擇日而祭于廟，成婦之義也。廟見謂舅姑沒者也。成婦義者，婦有養禮，猶舅姑存時，盥饋于室也。

○疏曰昏禮廟見奠采更無別祭舅姑之禮此廟見與祭禫是一事也但舅姑偏有沒者庾氏謂厥明即見其存者行盥饋之禮至三月不須廟見于亡者崔氏則謂厥明盥饋于其存者三月又廟見于亡者未知孰是愚按三月四句或作二項據文體乍看之一是奠一是祭一祭云三月一特云擇日一但云稱來婦也一則云成婦之義也似不得合為一項但成婦乃釋經稱來婦之詞文義證如祭奠謂初疏說是也至舅存姑沒姑無廟自無廟見之禮若姑存舅沒豈得不廟見之禮且即姑先舅沒亦當奠采于寢也則二家各執一見殆未以義權之與

坊記子云夫禮坊民所淫章民之別使民無嫌以為民紀者也

故男女無媒不交無幣不相見恐男女之無別也以此坊民民

猶有自獻其身潘猶溺也章明也嫌疑也獻猶進也取妻不

取同姓以厚別也故買妾不知其姓則卜之以此坊民魯春秋

猶去夫人之姓曰吳其死曰孟子卒厚猶重也妾言買者賤之也吳大伯之後與魯皆姬

姓魯昭公取之諱稱姬。但曰孟子故其始亦但書孟子卒不禮書夫人姬氏薨也。疏曰春秋之例吳女當云夫人姬氏。

非祭男女不交爵。以此坊民。陽侯猶殺繆侯而竊其夫人。故大

饗廢夫人之禮。交爵謂相獻酢也。疏曰唯祭乃得交爵。特性少牢禮皆主婦獻尸尸酢主婦是也。王饗諸侯

及諸侯相饗同姓則后夫人親獻異姓則使人攝獻。陽繆蓋同姓之國自其相饗見殺遂廢夫人饗賓之禮。並使人攝也。寡

婦之子不有見焉則弗友也。君子以辟遠也。故朋友之交主人

不在不有大故則不入其門。以此坊民。民猶有以色厚於德。辟

同。有見謂才藝可見。避遠謂避嫌也。大故喪疾也。子云好德如好色。諸侯不下漁色。故

君子遠色以爲民紀。故男女授受不親。御婦人則進左手。姑姊

妹女子子已嫁而反。男子不與同席而坐。寡婦不夜哭。婦人疾

問之不問其疾。以此坊民。民猶淫泆而亂於族。論語曰未見好德如好色。蓋疾

時人厚于色而薄于德也。內取國中為下漁色不親者不以手相與也。內則云非祭非喪不相投器。其相投則女授以篋是也。御在右前左手則身微偕之矣。不與其坐亦以遠別也。昏禮婿夜哭嫌思人道問其疾嫌婚畧之也。亂族犯非其匹也。昏禮婿

親迎見于姑舅。舅姑承子以授壻。恐事之違也。以此坊民婦猶

有不至者。舅姑謂妻之父母。所謂外舅姑也。父戒女曰。夙夜無違命。毋戒女曰。毋違宮事。皆恐其違也。不至者不親

夫以孝舅姑也。此以上始終皆釋婚禮之義而餘則以類及之也。

白虎通義娶妻卜之何。卜女德也。不娶同姓者何。重人倫。耻與

禽獸同也。雖外屬小功以上亦不得娶也。此二條首釋婦人初擇婦之義也。婦人

所以有師何。學事人之道也。學一時足以成矣。故教之三月也。

其師何也。大夫之妾。士之妻。老無子而明于婦道者。七女必有

傅姆何。尊之也。尊之者。所以教其德行而傅姆以相其身體也。此上四條釋婚前教女之義也。道女于

禰廟何重先人之遺支體也不敢自守故告禰也去不辭誠不

諸何也蓋耻之重去也此上二條釋婚時遣女之義也未廟見而外歸葬于女

氏之黨何也示未成婦也夫雖行惡妻不得去何也地無去天

之義也此上二條釋婚後守禮之義也

家語魯哀公問于孔子曰禮男必三十而有室女必二十而有

夫也豈不晚哉孔子曰夫禮言其極不是過也男子二十而冠

有為人父之端女子十五許嫁有適人之道于此而往則為昏

矣禮見周禮媒氏適猶嫁也此首各言婚嫁之年也男子者任天道而長萬物者也知

可為知不可為知可言知不可言知不可行知不可行者也是故

審其倫而明其別謂之知所以劾匹夫之德也任如深反長可文反別彼列反

德馨誤作聽註改正。女子者順男子之教而長其理者也是故。効之言致也盡也。

無專制之義而有三從之道。幼從父兄，既嫁從夫，夫死從子。言

無再醮之端，教令不出于閨門，事在供酒食而已，無閨外之非

儀也。不越境而奔喪，事無擅為，行無獨成。參知而後動，可驗而

後言，晝不遊庭，夜行以火，所以効匹婦之德也。長猶任也，始嫁言醮禮無再醮

言不改事人也。閨門限也，非儀猶言可否也。儀猶宜也。詩云無

非無儀。唯酒食是議。孟母曰：婦人之職，精五飯，奉五漿，送舅姑。

縫衣裳而已。故有閨門之修，而無閨外之志也。孔子遂言曰：女

參知猶言參酌也。此以上又因言男女之德也。

有五不取：逆家子者，謂其逆德也；亂家子者，謂其亂倫也；世有

刑人子者，謂其棄于人也；有惡疾子者，謂其棄于天也；喪婦長

子，謂其無受命也。婦也，誤作父。今從大戴禮作婦，謂幼無母教也。獨言長子者，若第二以下母喪則固有長

子教之矣蓋亦約言之詞融其意則得矣此又終自言擇取之道也

考家語衛公使其大夫求婚于季氏桓子問禮于孔子子曰同姓

為宗有合族之義故繫之以姓而弗別綴之以食而弗殊雖百

世婚姻不得通周道然也君有合族之禮雖親盡不異也桓子曰魯衛之先雖

寡兄弟今已絕遠矣可乎孔子曰固非禮也夫上治祖禰以尊

尊也下治子孫以親親也旁治昆弟所以敦睦也此先王不易

之教也上治下治旁治凡以合族也豈絕遠而可婚哉此又專言厚別之禮也

大夫婚禮闕今彙採本經鄭註及春秋傳白虎通註補于左侯王世子婚禮放此

大夫親迎陳五鼎其實少牢主人立冕至于門外明與士三鼎特豚服爵弁異也

女二勝從之送女以貳車明與士一勝無送車異也婦至行五鼎禮既饋娣姪

御序餼

五鼎禮不詳約詞也明與士三鼎禮及姪先御異也

三月廟見乃使反馬

士無送車故無反馬

禮大夫以上則有之見春秋傳注

餘如士昏之禮

考宣公五年冬齊高固及于叔姬來

此九月公女下嫁于固而今來也傳曰來反馬也禮

三月使人反馬今不待三月自反馬蓋譏之也

義白虎通卿大夫一妻二妾者何尊賢重繼嗣也不備姪娣何

北面之勢不足盡人骨肉之親也士一妻一妾何下卿大夫也

勢猶位也蓋亦備也王侯為南面之君卿大夫為北面之臣故君備姪娣而臣不備也卿大夫功成受封

得備八妾者何重國家廣繼嗣也不更聘大國者何不忘本適

也本適謂適妻也思按八妾者諸侯夫人自有娣姪二媵亦各有娣姪凡八也蓋大夫功成受封即禮如諸侯但不忘本敵

而更娶大國耳

諸侯世子婚禮

見上

諸侯世子納采使者詞曰寡君請君之玉女為世子妃使某也納

采凡使者稱寡君皆如之同親迎公世子鬯冕侯伯世子毳冕

子男絺冕降其君厥明禮見如士謂如士見舅姑舅姑饗婦婦饋

等餘皆如諸侯婚之禮

諸侯婚禮闕今葉採本經鄭註及禮記祭統周禮典瑞春秋傳註補于左

諸侯納采使者辭曰寡君請君之玉女與寡君共事社稷宗廟有

先君之禮使某也請納采玉女美之也君納徵辭曰寡君有先君

之禮儷皮束帛加璋使某也請納徵璋大請期曰惟是不虞使某

也請吉日不稱三族之不虞者王侯絕旁期也其對皆稱寡君凡對親迎陳七鼎其

實太牢。上公衮冕，侯伯鷩冕，子男毳冕。從者各以其服乘路車，從

百兩。夫人車亦如之。有翟，詩翟，弗以朝。二國媵，娣姪備百兩。將之婦

至行七鼎禮。七鼎禮不詳，亦約詞也。厥明，禮見于皇姑。饗婦，饋二媵，姪娣

餼，各以其禮。主人饗使者以三獻之禮，酬以束帛，乘馬。三月，使者

來致女，遂廟見。辭曰：「奠采于皇舅某公，乃遣使者反馬。」先君沒，嗣君自為主。

人初昏，無命迎，厥明不見皇舅，三月乃奠菜。餘如大夫婚之禮。

王世子婚禮

王世子婚，納采，詞曰：「王命為世子擇妃。凡使者稱王命為世子，皆

如之。親迎以鷩冕。餘如諸侯婚禮。

王婚禮

闕今彙，採本經，如註禮記哀公問春秋傳註周禮典瑞補于左。

王婚納采于侯氏使者辭曰王命擇后共與天地宗廟社稷使某也
也以禮請侯氏對曰臣夫婦所生若而人妾婦之子若而人先守
某公之遺女若而人遺女通謂姑姊妹也納徵曰王命以儷皮束帛加璧使
某納徵璧穀璧也親迎陳九鼎同姓大夫逆公監之各服其冕服后路
百兩從三國媵備娣姪百兩將之王服袞冕先俟于館后既至逆
入于宮行九鼎禮九鼎禮亦約詞餘如諸侯之禮

記禮記祭統國君取夫人之辭曰請君之玉女與寡人共有敝

邑事社稷宗廟此求助之本也注曰言玉女者美言之也君子于玉比德也

左傳周靈王求后于齊齊侯問對于晏桓子桓子對曰先王之

禮辭有之天子求后于諸侯諸侯對曰夫婦所生若而人妾婦

之子若而人無女而有姊妹及姑姊妹則曰先守某公之道

若而人注曰不敢倨亦不敢謙故各云若而人妾婦言非適婦也姊妹父之女姑姊妹祖之女也事在襄公十二年疏

曰爾雅釋親云父之姊妹為姑樊光曰古人謂姑為姑姊妹春

秋傳云有姊妹及姑姊妹蓋父之姊為姑姊父之妹為姑姊妹列

女傳梁有節姊妹入火取其兄子是謂父妹為姑妹也後人從省故單稱為姑

左傳凡諸侯嫁女同姓勝之異姓則否注曰必以同姓者參骨

也語見成公羊傳諸侯娶一國則一國往媵之以姪從姪者

何兄之子也姊者何女弟也何休曰禮君不求媵二國自往媵

婦從者所以防嫉妬重繼諸侯一聘九女夫人及二媵各諸侯

不再娶注曰不再娶者所以節人情左傳凡公女嫁于敵國姊妹則上卿送之以禮于先君公子則

下卿送之于大國，雖公子亦上卿送之于天子，則諸卿皆行公

不自送于小國，則上大夫送之。

注曰：昏以相敵為耦，故先以敵國為文，然後于大國小國辨所

異也。姊妹嫁于敵國，猶上卿送，則其嫁大國可知。則姑姊妹嫁于敵國，與大國又可知，不言皆省文也。事在桓公三年。疏曰：周禮序官，唯有中大夫，無上大夫。王制云：諸侯之上大夫、卿、則上大夫即卿也。此上卿之外，又云上大夫者，諸侯之制，三卿五大夫，五人之中，又復分為上下。左傳云：次國之上卿，當大國之中，中當其下，下當其上。大夫，小國之上卿，當大國之下卿，中當其上大夫，下當其下大夫，是也。

詩大明文王嘉止，大邦有子，倪天之妹，親迎于渭。

大明大雅之篇，止語詞倪

譬也。謂文王當行嘉禮之時，渭溪有太姒為之妃，譬若天之妹，然于是文王親往迎之也。鵲巢，維鵲有巢，維鳩居之。之子于歸，百兩御之。維鵲有巢，維鳩方之。之子于歸，百

兩將之。詩召南之篇，御迎也。方，所將送也。言鳩性有誠一之德，以鵲巢為家，以興諸侯之夫人歸於諸侯之家，而其臣

皆禮。

僕媵妾之多送御皆百兩也韓奕韓侯迎止于蹶之里百兩彭彭八鸞將將

諸娣從之祈祈如雲韓奕亦大雅之篇蹶韓侯夫人之母碩人家言韓侯往迎之而娣從之多也碩人

碩人其頡衣錦褰衣齊侯之子衛侯之妻碩人敖敖四牡有騶

朱幘鑣鑣翟茀以朝碩人衛風之篇敖敖安舒貌駟壯貌然者馬街外鑣朱幘其飾也翟茀夫人車以翟

羽為蔽也言衛莊公娶于齊夫人始至而朝于公也

義禮記昏義古者天子后立六宮三夫人九嬪二十七世婦八

十一御妻以聽天下之內治以明章婦順故天下內和而家理

嬪毗人反治直吏反天子立六宮三公九嬪二十七大夫八十一元士以

聽天下之外治以明重天下之男教故外和而國治注曰天子六寢六宮

在後六官在前所以施內外之政也三夫人以下百二十人周制也三公以下百二十人蓋古制與愚按注以三夫人以下為

周制今見周禮春官其疑三公以下為古制以與今周官不符也故曰天子聽男教后聽女順

天子理陽道后治陰德天子聽外治后聽內職教順成俗內外

和順國家理治此之謂盛德后治之治平聲餘皆去聲○男言

也或曰以下盛德推之亦互文此以上極言內治之大也是故男教不修陽事不得適見于

天日為之食婦順不修陰事不得適見于天月為之食是故日

食則天子素服而修六官之職蕩天下之陽事月食則后素服

而修六宮之職蕩天下之陰事故天子之與后猶日之與月陰

之與陽相須而后成者也道諫同見賢圖反○適之言責也食者見道有虧傷也蕩者蕩滌穢惡也

此言其應天象以申之也天子修男教父道也后修女順母道也故曰天子

之與后猶父之與母也故為天王服斬衰服父之義為后服齊

衰服母之義也。

齊音咨。○此又言其立民極以申之也。

哀公問公曰。敢問為政如

之何。孔子對曰。夫夫婦別。父子親。君臣嚴。三者正則庶物從之矣。

庶物猶眾事也。言三者正則皆正。而以夫婦正為本也。

公曰。所以行三言之道。可得聞乎。

孔子對曰。古之為政。愛人為大。所以治愛人。禮為大。所以治禮。

敬為大。敬之至矣。大昏為大。大昏至矣。冕而親迎。親之也。親之

也者。親之也。是故君子與敬為親。舍敬是遺親也。弗愛不親。弗

敬不正。愛與敬其政之本與。

迎逆敬反為親之為去聲。舍音捨。○治猶事也。民為邦本。故為政愛

人為大。人有禮則安。故治愛人。禮為大。禮者敬而已矣。故治禮。敬為大。而敬有大小。敬之至極則大昏為大也。上親猶自也。下

規謂親愛也。言冕服親迎。以自起敬者為欲相親愛也。若舍去其敬。是遺棄其親而正人之本胥失矣。

公曰。冕而

親迎。不已重乎。孔子愀然作色而對曰。合二姓之好。以繼先聖

之後以爲天地宗廟社稷之主君何謂已重乎已猶太也嫌服祭服以親迎爲

大重也天子之塔故首云爲天地之主極明其重也天地不合萬物不生大昏萬世之嗣

也君何謂已重焉又即天地合萬物生以申明其重也昔三代明王必敬其妻子

也有道妻也者親之主也敢不敬與子也者親之後也敢不敬

與是故君子無不敬也敬身爲大身也者親之枝也敢不敬與

不敬其身是傷其親傷其親是傷其本傷其本枝從而亡三者

百姓之象也身以及身子以及子妃以及妃君修此三者則大

化愾乎天下矣昔大王之道也如此國家順矣妃配同○生謂妻主于內後謂

子後于身枝謂身本于親此言夫婦別而父子親也百姓亦臣也對文分民與臣統言之皆臣也象之言法猶則也愾猶違也

一作賢猶朝南爵之盛此匡衡傳曰自古聖王必正妃匹妃匹言夫婦別而君臣嚴也

正則興，不正則亂。昔夏之興也，以塗山；其亡也，以末喜。殷之興

也，以有娥；其亡也，以妲己。周之興也，以太姒；其亡也，以褒姒。

同事並詳史故夫婦有別，則父子親；父子親，則君臣敬；君臣敬，則朝

廷正而王化成。君臣父子夫婦三者，天下之大綱也。三者治則

治，三者亂則亂。此關雎以為詩首，重人道之始也。又曰：妃匹之

際，生民之始，萬福之原，婚姻之禮正，然後品物遂而天命全。

猶言事物遂成也。孔子論詩以關雎為始，言太上者民之父母，后夫人

之行，不侔乎天地，則無以奉神靈之統，而理萬物之宜。故詩曰：

窈窕淑女，君子好仇。言能致其貞淑，不貳其操，情欲之感，無介

乎容儀，妥私之意，不形乎動靜，夫然後可以配至尊而為宗廟

主此綱紀之首王教之端也自上世以來三代興廢未有不由

此者也太上猶言至尊謂王若后也窈窕幽閒貞靜之意貳猶惑也介之言繫猶著也

白虎通義天子諸侯一娶九女何重國家廣繼嗣也王度記曰

天子諸侯一娶九女娶一國則兩國媵之皆以姪娣從也必一

娶何恐棄德嗜色也一娶而已人君無再娶之義也備姪娣從

何也不相嫉也一人有子三人共之若已有之也姪娣年少猶

從何也明人君無再娶之義也還待年于父母之國者何未任

答君子也王度記書名任勝答對也此上四條釋王侯一娶群媵之義也然按天子一娶三國媵之后與三夫人各

有姪娣凡十二女皆媵后以下亦自有人君及宗子無父母自

定娶者何卑不主尊賤不主貴也此條釋大君宗子主婚之義也天子諸侯之

世子皆以諸侯禮娶何與君同體示無再娶之義也此條釋世子娶婦之

也義王者嫁女必使同姓諸侯主之何不以天子之尊乘諸侯也

必使同姓者何同宗祖可使攝父事也此條釋人君下嫁不自主婚之義也

考國語襄王將以翟女為后富辰諫曰不可夫婚姻禍福之階

也利內則福由之利外則取禍今王外利矣其母乃禍階乎利內

謂正內治利外謂厚外戚昔摯疇之國也由太任祀緡由太姒齊許申呂由

太姜陳由太姬是皆能內利親親者也注曰摯疇皆任姓國奚仲仲虺之後太任之母

家也太任王季之妃文王之母祀緡皆姒姓國夏禹之後太姒之母家也太姒文王之妃武王之母齊許申呂皆姜姓國四岳

之後太姜之母家也太姜太王之妃王季之母陳姬姓國舜之後大姬之夫家也太姬周武王之女愚按凡言由者謂國由以

與也國由以與皆正內治而因有以親其親故耳太任太姒太姜皆與其母家太姬乃與其夫家而以內利親親與則一也傳

稱太姬好巫覡歌舞之事而民化之似不得為正內治豈其後世實為之歟昔鄢之亡也由仲任

須由伯姑郇由叔姪聘由鄭姬息由陳媯鄧由楚曼羅由季姬

盧由荆媯是皆外利離親者也注曰鄢姪姓之國也仲任為鄢夫人唐尚書云鄢為鄭武公所

滅齊須姑姓之國也文伯姑也所適無考傳云密須之鼓國也之甲蓋為文王所滅而獲之節姪姓之國也叔姪以同姓文為

節夫人公羊傳云鄭伯善節公通于夫人以取其國聘姬姓之國文王之于聘季所封也鄭姬亦以同姓文為聘夫人後國亡

息媯姓之國也陳媯為息夫人楚子滅息以息媯歸鄢曼姓之國也文為楚武王夫人生文王利鄢而滅之羅熊姓之國也季

姬為羅夫人盧媯姓之國也荆媯為荆夫人羅盧後國皆亡按凡言由者謂國由以亡也國由以亡皆厚外戚而卒至乎

其親故耳鄢聘息羅皆亡其夫家密須鄢鄢盧乃亡其母家而其以外利離親亡則一也夫翟隗姓也無利

于王室豺狼之德不可厭也禮新不間舊王以翟女聞姜任非

禮且棄舊也其無乃禍階乎王弗聽問去聲○信姜任之屬世以德成內治而今以外者

凶德無厭者則之則欲敗左傳魯公子荆之母嬖將以為夫人
度縱敗禮而且新問舊矣

使宗人毀夏獻其禮對曰無之公怒曰女為宗司立夫人國之

大禮也何故無之對曰周公及武公娶于薛孝惠娶于商自桓

以下娶于齊此禮也則有若以妾為夫人則固無其禮也女嫁

荆哀公庶子宗人禮官魯夏名也宗司言其司為宗人也
武公名敖泮公名稱惠公名弗皇桓公名執商謂宋也

左傳魯莊公十四年夫人姜氏入大夫宗婦覲用幣覲見御孫

曰男贄大者玉帛小者禽鳥以章物也女贄不過榛栗棗修以

告虔也今男女同贄是無別也御孫魯大夫章明也物猶物色之物男女之別國

之大節也而由夫人亂之無乃不可乎

昏遭喪禮見禮記曾子問篇今參補于左

昏禮既納幣有吉日女之父母死婿使人弔如婿之父母死則女

之家亦使人弔吉日取女之吉日也。注曰必使人弔者未成兄弟也疏曰注云未成兄弟也者夫婦有兄弟之義

下云不得嗣為兄弟是也愚按納幣有吉日則已有兄弟之義但未娶猶未成耳此所以必使人弔也注意愚者始融父喪

稱父母喪稱母父母不在則稱伯父世母父稱父母稱母者禮宜各以其敵也父弔辭云

某子聞某之喪某子使某如何不淑母亦如之父母不在則稱伯父母者弔禮不可廢也伯父母又不在則稱叔父母婿已

葬婿之伯父致命曰某之子有父母之喪不得嗣為兄弟使某致

命女氏許諾弗敢嫁婿免喪女之父母使人請婿弗取而后嫁之

不得嗣為兄弟者不敢以累年之喪使失嘉會之時而命使改嫁也必待已葬致之者俟哀情稍殺也婿免喪不迎婦而須女之父

母請者以既葬已致命所以須請也愚按婿弗取而后嫁女弗嫁而后取甚言不敢別嫁別娶耳或乃謂禮許別嫁別娶則以辭害

意矣世有乘喪嫁娶莫名教如草莽者又有終喪改嫁女之父母

改娶淪人道于牛馬者先王豈許之哉通經者詳之

死婿亦如之。已葬女家致命免喪婿家使請皆如之也。疏曰亦男氏許諾而不敢別娶待免喪請之。女家弗許嫁而

后可親迎女在塗婿之父母死女改服布深衣縞總以趨喪。注曰布深

衣縞總婦人始喪未成服之服也。疏曰深衣謂衣裳相連前後深

遠也。縞白絹也。總束髮也。士喪禮注始死婦人將斬衰者去笄而

纓將齊衰者去笄而纓至將飲去笄。女在塗女之父母死則女反

纓而紒不云縞總者彼文不備也。注曰奔喪服期疏曰女子子在室為父前笄紒衰三年父卒為母亦三年今既在塗非復在室故知服期也于時女亦改服布深衣

縞總而奔喪愚按女降期者以趨身始喪知之也凡服無兩重。

右遭父母舅姑喪。一已請期遭喪一方親迎遭喪

如婿親迎女未至有齊衰大功之喪男不入改衣于外次女入改

服于內次然後卽位而哭。男請婿女謂婦也男不入大門改其親迎之服服深衣于門外之次女入大門改其嫁之服服深衣于門內之外然後就喪位而哭也。疏曰位謂于婿室為位也曾子問大功以上而不問小功者雜記云小功

之末可以取婦。明小功輕，不廢昏禮。待昏禮畢，乃哭也。皇氏云：卽付謂就喪家之位也。若女家齊衰大功之喪，女不反歸，其改服卽位，則與男家親同也。此在塗聞齊衰大功之喪之禮，若婦已入大門，內喪則廢，外喪則行昏禮可矣。昏禮重于冠，雜記云：大功之末，可以冠于小功之末，可以取妻是也。

配曾子問曰：除喪則不復昏禮乎？孔子曰：祭過時不祭禮也。又

何反于初？疏曰：復反也。問將昏遭喪不得成禮，除喪後豈不復為昏禮乎？答言過時不祭者，卽重以喻輕也。初謂初

昏同牢之禮及饋饗飲食之類。疏曰：過時不祭，謂四時常祭也。祭重而昏輕，重者過時向廢，輕者不復可知矣。恩按：三年喪

女在塗，及齊衰大功喪未至，皆改服入。趨喪其喪重，昏禮未成，故曾子以除喪復行昏禮為問也。而子答之如此者，蓋其除服

成昏亦以如禫而從，從也。祭而復寢之意，而為殺禮以行之。至若同牢合昏饋饗舅姑饗于婦，凡飲食酬贈一切繁重之儀，則固

不復行矣。此蓋以凶吉不相復而文又在室已久，焉故也。舊未發其義，故識此以俟達禮者詳焉。

右遭齊功喪

取女有吉日女死壻齊衰而弔既葬除之夫死亦如之皆既葬除之者未有

期與三年之義也。注曰女服斬衰。疏曰壻服齊衰故知女服斬衰也。如女未廟見而死不遷于祖

不祔于姑歸葬于女氏之黨壻不杖不菲不次遷朝廟也不杖不菲不次者不備喪

禮為之服齊衰也。疏曰將反葬于女之黨故其葬不遷柩朝于壻之祖廟而其附祭自不得祔于姑廟也。菲草屨也。次謂哀次也。

壻為妻台服齊衰杖而非屨處于哀次。今未廟見而死故服齊衰期而殺其禮也。其次之父母則為之降服大功以其已非在室比而壻又已為服

齊期非無主也。

記曾子問曰如女未廟見而死則如之何孔子曰不遷于祖不

祔于皇姑壻不杖不菲不次歸葬于女氏

皇者皇之言大尊之也。示未成禮娶婦三月廟見後乃執婦功。

右遭女死